

Sakspapir

Saksnr	Utvalg	Type	Dato
138/20	Kommunestyret	PS	10.12.2020

Saksbehandler	Arkiv	ArkivsakID
Ketil Tjore	FE-141, TI-&37	19/743

Planutvalet, vurdering av utviding

Framlegg til vedtak:

Styringsgruppa for planstrategien er lik formannskapet.

For å sikra representasjon frå alle partia i kommunestyret vert styringsgruppa for planstrategien utvida med 1 representant frå Bygdelista i Austrheim.

Kommunestyret - 138/20 - 10.12.2020

KS - behandling:

Jan Nordø (Bygdelista) sa at Bygdelista har lyst å vera med i styringsgruppa for planstrategien, for å vera med og ha ei hand på rattet. Nordø la fram eit eige framlegg til vedtak.

Handsaming i kommunestyret:

Dei to framlegga vart sette opp mot kvarandre.

Rådmannens framlegg til vedtak vart vedteke med 10 røyster (Arbeidarpartiet og Høgre) mot 7 røyster (Senterpartiet, Kristeleg Folkeparti og Bygdelista)

KS - vedtak:

Styringsgruppa for planstrategien er lik formannskapet.

Saksopplysninger:

Bakgrunn

Bygdelista har etterlyst eit vedtak på samansettinga av planutvalet, som mellom anna er

styringsgruppe for arbeidet med planstrategien. Bakgrunnen for dette er det vedtaket kommunestyret gjorde i møtet 12. desember 2019 (sak 079/19), i saka «Planstrategi for Austrheim kommune for perioden 2020 - 2024 - Oppstart av arbeid». Bygdelista sin representant tok opp samansetninga av styringsgruppa, sitat frå protokollen i kursiv:

Atle Utkilen (Bygdelista) hadde framlegg til endring av samansettinga av styringsgruppa for arbeidet med planstrategien, slik at alle parti i kommunestyret vert representert i styringsgruppa:

«Formannskapet vedtek at Austrheim kommune sitt arbeid med planstrategi vert starta opp. Formannskapet og 1 representant frå parti som ikkje er del av formannskapet vert styringsgruppe for arbeidet.»

Avdelingsleiar Toft kommenterte innspela, og sa at politikarane er suverene i å føreslå kva planar administrasjonen skal laga. Toft sa vidare at det er viktig med god forankring, og at det er OK å ta inn dei partia som ikkje er representerte i formannskapet.

Helge Dyrkolbotn sa at KrF støttar Utkilen sitt framlegg til vedtak om å utvida styringsgruppa, Inger Lise Brekke (H) ba om gruppemøte. Møtet heva 15.27, møtet sett igjen 15.33

Inger Lise Brekke (H) fremja framlegg om at saka vart utsett til det neste møtet i kommunestyret. Per Lerøy (Ap) presiserte at det ein ville ha utsett var val av styringsgruppe for planstrategien.

Helge Dyrkolbotn (KrF) sa at han ikkje var samd i å utsetja denne delen av saka.

Avdelingsleiar Toft sa at planstrategien skal på høyring, og at val av styringsgruppe ikkje stoppar administrasjonen sitt arbeid med å senda planen ut på høyring.

Per Lerøy (Ap) sa at ein kan vedta å starta arbeidet, men utsetta samansettinga av gruppa. Sa at rådmannen må førebu sak om dette til formannskapet og kommunestyret i 2020, og at det må komma som sak i februar 2020. Rådmann Liv Løvvik sa at så lenge noko anna ikkje er vedteke, så er det formannskapet som er styringsgruppe, slik som sist.

Handsaming i kommunestyret:

Atle Utkilen sitt framlegg om at alle parti i kommunestyret bør vera med i styringsgruppa, vart utsett med 10 mot 7 røyster (Høgre og Ap for utsetting, Bygdelista, KrF og Sp mot).

Rådmannen sitt framlegg vart samrøystes vedteke.

KS - vedtak:

Formannskapet vedtek at Austrheim kommune sitt arbeid med planstrategi vert starta opp.

Dette kom aldri tilbake som ei eiga sak til kommunestyret, men vart tema i kommunestyret i møtet 12. november. Sak 099/20, Planstrategi for Austrheim kommune 2020 - 2024 – Godkjenning. Vedtaket i kursiv:

Planstrategi for Austrheim kommune 2020-2024 vert godkjent. Grunngevinga er gjeve i saksutgreiinga. Vedtaket er heimla i plan- og bygningslova sin § 10-1.

Styringsgruppa for planstrategiarbeidet er formannskapet.

Som tillegg her ba ordførar Per Lerøy (Ap) om at rådmannen greiar ut til neste kommunestyremøte om styringsgruppa for planstrategien skal vera lik arealplanutvalet, slik Bygdelista har ønskje om.

Vurdering

Dette har vore diskutert i administrasjonen, og ein har komme fram til at det er tenleg å halda på den organiseringa ein har hatt for planutval sidan 2003, der planutvalet er likt formannskapet, med ordførar som leiar og varaordførar som nestleiar.

Forskjellen til arealplanutvalet vert som før at der er også Bygdelista representert.

Konklusjon

Styringsgruppa for planstrategien er lik formannskapet.

Ei endring av samansettinga kan vurderast seinare, dersom kommunestyret vedtek å gjera endringar i organiseringa og innføra ein utvalsmodell.